

薊州志卷之三

知薊州事歸安沈 銳重纂

建置志

春秋凡興作必書重勞民也然靈臺辟雍亦需民力但必在康功田功之後耳故先王建邦必詳建置立規模定區宇務期周備而官民賴之薊州爲

鑿輅經臨之所則周官陞桓再重之義自宜敬悉至於設險固圉敷治臨民城池官署皆先務也倉廩裕民食學校育民材卽次之安不忘危關隘又次之他若街坊鎮集邱墓津

梁以及壇廟寺院皆建置之不得已於民者也志建置

行宮

白澗

行宮在城西十里白澗庄爲

皇上展謁

陵入州境首站乾隆十八年建

獨樂寺

座落在州西門內獨樂寺東乾隆十八年建

獨樂寺

行宮在州東十八里桃花寺山半山中乾隆十八年建

隆福寺

行宮在州西二十五里隆福山

盤山

行宮在盤山下玉石庄東乾隆九年臣工以盤山爲

鑒輿由山海上

陵寢之道宜創築

殿宇以爲歲時駐蹕之所隨蒙

俞允告成後

高宗純皇帝題曰靜寄山庄復於山內之

天成寺

少林寺

上方寺

古中盤

雲罩寺

盤谷寺

東竺菴

萬松寺

青峯寺

天香寺

上方寺

雲淨寺

東甘澗

西甘澗

雙峯寺等處各設

座落以備

巡幸憩息之所今多坍塌

臣謹按薊州爲

畿左名勝之區歷代史冊紀之詳矣逮

國朝

聖駕時臨尤爲展謁

之要道倘歲時

巡幸無以安

御輦而駐

臣民之心爰安爰妥於乾隆十八年

高宗純皇帝允諸臣所請於州境之白澗獨樂寺桃花寺隆福寺

等處建立

行宮

座落以愜衆望而順輿情非如前代之率興土木焜耀觀瞻

已也

臣

世受

國恩忝膺司牧其歡欣鼓舞之忱又烏能自己耶

蘇州元

卷之三

臣

城池

城垣不知創於何代舊惟土城明洪武四年始甃以傳石周圍九里十三步連女牆高三丈五尺垛口二千四十個南瀕沽水北倚山原城門三座東曰威遠西曰拱極南曰平津各有樓四角有角樓四座正北無門城上有樓名北極樓敵樓二座更鋪三十二間明崇禎壬午年拆毀我

朝定鼎以後未及修葺厯年雨水淋漓漸至塌壞又遭康熙十八年異常地震以致西門甕城中空倒塌磚石常墜下傷人康熙三十三年州牧張朝琮蒞任之初卽捐募先修

甕城共費千餘金並修葺東南二門俱煥然一新更以城下有水溝二道原係宣洩城內雨水一在東門之南一在南門之東久已淤塞每遇天雨水從城門中出街道成河因於康熙三十四年疏濬通利水可暢流闔城便之嗣於康熙三十九年十二月初八日

聖祖仁皇帝謁

陵回

鑾本州士民鍾良輔李文錦等叩

聞請修城康熙四十年三月初九日

工部牌行到州爲請

修薊城以壯

皇圖以培

陵脈以利民生事營繕清吏司奏呈工科抄出本部題前事內開
該臣等議得薊州士民鍾良輔李文錦等叩

閭疏內稱薊州城爲

帝京左輔

皇陵右翼畿內風水所關城垣頽壞門闔殘破不得不修於康熙
十一年前在巡撫金世德爲修理具題奉

旨依議欲發錢糧興工值反叛吳三桂變亂需用兵餉繁多將

修理薊州城工暫行停止俟太平之日另行請修在案今
聖恩浩蕩軫念薊郡地窄民貧粟米短少開河撥運立倉厥於
薊不可無堅城以護之等語查康熙十一年原任直隸巡
撫金世德敬陳恤災等事案內薊州城垣係

險寢等處往返大路衝塌處所不便不修將直隸錢糧除各項支
用外其餘剩者每年酌量扣修修理等因具題部議照該
撫所題將餘剩錢糧酌量扣除交與地方官員將薊州城
垣修理等因題覆在案康熙十三年金世德爲時值軍興
之際將薊州城垣暫停修理俟平定之日再行舉修等因

具題停工查得薊州城垣 內重地甚是殘破相應移咨
該撫將薊州城垣作何修理之處查明定議具題到日再
議可也康熙四十年二月初九日題本月二十九日奉

旨這薊州城垣著阿爾法清格理前往修理欽此欽遵抄出到
部擬合就行爲此合牌前去照牌事理施行須至牌者於
康熙四十一年三月初六日興工九月告竣三門各建城
樓一座四角各角樓一座正北城上北極樓一座雉堞二
千百七十城垣煥然重修矣本年十一月內士民鍾良輔
陳惟一李雲蒸李本男馮兆隆王恂張承芳丁含章趙旦

旭屈雲輦吳存中劉宗漢朱純盧塏王家福陳惟清程國
祚魏建德李文錦王之寀高承憲孟汝良張義才郭大廣
吳端章陳三德陳邦均李時中韓登仕宋逢源景一新張
亦善魏成龍高從仁劉文憲張國良史一林呈爲

皇恩浩蕩民生感戴叩天轉詳題謝事竊薊州爲

神京左輔

皇陵右翼地少人稀物產易竭加以

情浩繁取辦境內每年招買穀價騰涌幸我

皇上洞悉民艱大展

聖算疏濬薊河撥運漕糧修建倉廩

稟精既裕四方被澤薊州城垣頽圯殆盡士民念爲

最風水所關

駕駐蹕所係願竭愚忠恭進民本荷蒙

恩俞允至今雉堞鞏固煥然一新

圖旣壯而萬民家室永賴矣輔等叩沐

恩頌祝雖爲有口恭謝殊屬無門叩乞 仁明大宗師老翁

俯徇民隱轉詳 撫憲具題陳情恭謝

入恩連名上呈本州陳 具文轉申 通永道李 憲牌行知

隹 守道高 關開蒙 部院李 批士民輿情據詳已
悉仰傳諭士民於

駕行幸經由時聚集叩頭嵩呼祇謝可也
五月內郡牧張朝琰製匾懸掛三門並書

東門東面曰永固

西面曰東來紫氣

西門西面曰永寧

東面曰西拱神京

南門南面曰永康

北面曰達津

東門外爲東關廂住民稀少

西門外爲西關廂住民一里餘